

豐村丛书

第一函
第八册



樂章集下卷

崇安

柳三變

耆卿

中呂調

安公子

長川波瀲灩楚鄉淮岸迢遞一霎煙汀雨過芳草青如
染驅驅攜書劒當此好天好景自覺多愁多病行役心
情厭望處曠野沈沈暮雲黯黯行侵夜色又是急檣
投村店認去程將近舟子相呼遙指漁燈一點
菊花新

欲掩香幃論繾綣先斂雙蛾愁夜短催促少年郎先去
睡鴛衾圖暖須臾放了殘鍼綫脫羅裳恣情無限留

取帳前燈時時待看伊嬌面

過澗歇近

酒醒夢纔覺小閣香炭成煤洞戶銀蟾移影人寂靜夜
永清寒翠瓦霜凝疏簾風動漏聲隱隱飄來轉愁聽
怎向心緒近日厭厭長似病鳳樓咫尺佳期杳無定展
轉無眠粲枕冰冷香虬煙斷是誰與把重衾整

輪臺子

霧斂澄江煙消藍光碧彤霞襯遙天掩映斷續半空殘
月孤村望處人寂寞聞鈞叟甚處一聲羌笛九疑山畔
纔雨過斑竹作血痕添色感行客翻思故國恨因循阻
隔路久沈消息 正老松枯柏情如織聞野猿嘯愁聽

得見釣舟初出芙蓉渡頭鴛鴦灘側干名利祿終無益
念歲歲閒阻迢迢紫陌翠娥嬌豔從別後經今花開柳
坼傷魂魄利名牽役又爭忍把光景拋擲

平調

望漢月

明月明月明月爭柰乍圓還缺恰如年少洞房人暫歡
會依前離別小樓凭檻處正是去年時節千里清光
又依舊柰夜永厭厭人絕

歸去來

初過元宵三五慵困春情緒燈月闌珊嬉遊處遊人盡
厭歡聚憑仗如花女持杯謝酒朋詩侶餘醒更不禁

香醕歌筵罷且歸去

燕歸梁

織錦裁編寫意深字值千金一回披玩一愁吟腸成結
淚盈襟幽歡已散前期遠無繆賴是而今密憑歸鴈
寄芳音恐冷落舊時心

八六子

如花貌當來便約永結同心偕老爲妙年俊格聰明凌
厲多方憐愛何期養成心性近元來都不相表漸作分
飛計料稍覺因情難供恁殢惱爭克罷同歡笑已是
斷絃尤續覆水難收常向人前誦談空遣時傳音耗漫
悔懊此事何時壞了

長壽樂

尤紅礬翠近日來陡把狂心牽繫羅綺叢中笙歌筵上
有箇人人可意解嚴妝巧笑取次言談成嬌媚知幾度
密約秦樓盡醉仍攜手眷戀香衾繡被情漸美算好
把夕雨朝雲相繼便是仙禁春深御鑪香裊臨軒親試
對天顏咫尺定然魁甲登高第待恁時等著回來賀喜
好生地賸與我兒利市

仙呂調

望海潮

東南形勝江吳都會錢塘自古繁華煙柳畫橋風簾翠
幕參差十萬人家雲樹繞隄沙怒濤卷霜雪天塹無涯

市列珠璣戶盈羅綺競豪奢
重湖疊巘清嘉有三秋
桂子十里荷花羌管弄晴菱歌泛夜
嬉嬉釣叟蓮娃千
騎擁高牙乘醉聽簫鼓吟賞煙霞
異日圖將好景歸去
鳳池誇

如魚水

輕靄浮空亂峰倒影潏灩十里銀塘繞岸垂楊紅樓朱
閣相望芰荷香雙雙戲鷗鷺鴛鴦乍雨過蘭芷汀洲望
中依約似瀟湘風淡淡水茫茫動一片晴光畫舫相
將盈盈紅粉清商紫薇郎修禊飲且樂仙鄉更歸去徧
歷蠻坡鳳沼此景也難忘

其二

帝里疏散數載酒縈花繫九陌狂遊良景對珍筵惱佳
人自有風流勸瓊甌絳脣啟歌發清幽被舉措藝足才
高在處別得豔姬留浮名利擬拚休是非莫挂心頭
富貴豈由人時會高志須酬莫閒愁共綠蟻紅粉相尤
向繡幄醉倚芳姿睡算除此外何求

玉蝴蝶

望處雨收雲斷凭闌悄悄目送秋光晚景蕭疏堪動宋
玉悲涼水風輕蘋花漸老月露冷梧葉飄黃遣情傷故
人何在煙水茫茫難忘文期酒會幾孤風月屢變星
霜海闊山遙未知何處是瀟湘念雙燕難憑遠信指暮
天空識歸航黯相望斷鴻聲裏立盡斜陽

其二

漸覺芳郊明媚夜來膏雨一灑塵埃滿目淺桃深杏露
染風裁銀塘靜魚鱗簾展煙岫翠龜甲屏開殷晴雷雲
中鼓吹遊徧蓬萊徘徊隼旗前後三千珠履十二金
釵雅俗熙熙下車成宴盡春臺好雍容東山妓女堪笑
傲北海尊疊且追陪鳳池歸去那更重來

其三

是處小街斜巷爛遊花館連醉瑤卮選得芳容端麗冠
絕吳姬絳脣輕笑歌盡雅蓮步穩舉措皆奇出屏幃倚
風情態約素腰肢當時綺羅叢裏知名雖久識面何
遲見了千花萬柳比竝不如伊未同歡寸心暗許欲話

別纖手重攜結前期美人才子合是相知

其四

誤入平康小巷畫檐深處朱箔微褰羅綺叢中偶認舊
識嬋娟翠眉開嬌橫遠岫綠鬟濃染春煙憶情牽粉
牆曾恁窺宋三年遷延珊瑚筵上親持犀管旋疊香
牋要索新詞殢人含笑立尊前按新聲珠喉漸穩想舊
意波臉增妍苦留連鳳衾鴛枕忍負良天

其五

淡蕩素商行暮遠空雨歇平野煙收滿目江山堪助楚
客冥搜素光動雲濤漲晚紫翠冷霜巘橫秋景清幽渚
蘭香謝汀樹紅愁良儔西風吹帽東籬攜酒共結歡

遊淺酌低吟坐中俱是飲家流對殘暉登臨休歎賞令
節酩酊方酬且相留眼前尤物瑣裏忘憂

滿江紅

暮雨初收長川靜征帆夜落臨島嶼蓼煙疏淡葦風蕭
索幾許漁人飛短艇盡載燈火歸村落遣行客當此念
回程傷漂泊桐江好煙漠漠波似染山如削繞嚴陵
灘畔鷺飛魚躍遊宦區區成底事平生況有雲泉約歸
去來一曲仲宣吟從軍樂

其二

訪雨尋雲無非是奇容豔色就中有天真妖麗自然標
格惡發姿顏歡喜面細追想處皆堪惜自別後幽怨與

閒愁成堆積
鱗鴻阻無信息
夢魂斷難尋
覓儘思量
休又怎生休得
誰恁多情
憑向道縱來相見
且相憶便
不成常遣似如今
輕拋擲

其三

萬恨千愁將年少
衷腸牽繫殘夢斷
酒醒孤館夜長無
味可惜許枕前
多少意到如今
兩總無終始
獨自箇羸
得不成眠成憔悴
添傷感將何計
空只恁厭厭地
無人處思量
幾度垂淚
不會得都來些
子事甚恁底死難
拚棄待到頭終久
問伊看如何是

其四

匹馬驅驅搖征轡
溪邊谷畔望斜日
西照漸沈山半雨

兩棲禽歸去急對人相竝聲相喚似笑我獨自向長途
離魂亂中心事多傷感人是宿前村館想鴛衾今夜
其他誰暖惟有枕前相思淚背燈彈了依前滿怎忘得
香閣共伊時嫌更短

洞仙歌

乘興閒泛蘭舟渺渺煙波東去淑氣散幽香滿蕙蘭汀
渚綠蕪平畹和風輕暖曲岸垂楊隱隱隔桃花圍芳樹
外閃閃酒旗遙舉羈旅漸入三吳風景水村漁市閒
思更遠神京拋擲幽會小歡何處不堪獨倚危檣凝情
西望日邊繁華地歸程阻空自歎當時言約無據傷心
最苦竚立對碧雲將暮關河遠怎柰向此時情緒

引駕行

紅塵紫陌斜陽暮草長安道是離人斷魂處迢迢匹馬
西征新晴韶光明媚輕煙淡薄和氣暖望花村路隱映
搖鞭時過長亭愁生傷鳳城仙子別來千里重行行又
記得臨歧淚眼溼蓮臉盈盈消凝花朝月夕最苦冷
落銀屏想媚容耿耿無眠屈指已算回程相縈空萬般
思憶爭如歸去覩傾城向繡幃深處竝枕說如此牽情
望遠行

長空降瑞寒風翦淅淅瑤花初下亂飄僧舍密灑歌樓
迤邐漸迷鴛瓦好是漁人披得一蓑歸去江上晚來堪
畫滿長安高卻旗亭酒價幽雅乘興最宜訪戴泛小

棹越溪瀟灑皓鶴奪鮮白鵬失素千里廣鋪寒野須信
幽蘭歌斷彤雲收盡別有瑤臺瓊榭放一輪明月交光
清夜

八聲甘州

對瀟瀟暮雨灑江天一番洗清秋漸霜風淒慘關河冷
落殘照當樓是處紅衰翠減苒苒物華休惟有長汀水
無語東流 不忍登高臨遠望故鄉渺邈歸思難收歎
年來蹤迹何事苦淹留想佳人妝樓顙望誤幾回天際
識歸舟爭知我倚闌干處正恁凝愁

臨江仙

夢覺小庭院冷風淅淅疏雨瀟瀟綺窗外秋聲敗葉狂

飄心搖柰寒漏永孤幃悄淚燭空燒無端處是繡衾鴛
枕閒過清宵蕭條牽情繫恨爭向年少偏饒覺新來
憔悴舊日風標魂消念歡娛事煙波阻後約方遙還經
歲問怎生禁得如許無聊

竹馬子

登孤壘荒涼危亭曠望靜臨煙渚對雌霓挂雨雄風拂
檻微收煩暑漸覺一葉驚秋殘蟬噪晚素商時序覽景
想前歡指神京非霧非煙深處向此成追感新愁易
積故人難聚憑高盡日凝竚贏得消魂無語極目霽靄
霏微暝鴉零亂蕭索江城暮南樓畫角又送殘陽去
小鎮西

意中有箇人芳顏二八天然俏自來奸黠最奇絕是笑
時媚靨深深百態千嬌再三偎著再三香滑久離缺
夜來魂夢裏尤花殢雪分明似舊家時節正歡悅被鄰
雞喚起一場寂寥無眠向曉空有半窗殘月

小鎮西犯

水鄉初禁火青春未老芳菲滿柳汀煙島波際紅幃縹
緲儘杯盤小歌祓禊聲聲諧楚調路繚繞野橋新市
裏花穠妓好引遊人競來喧笑酩酊誰家年少信玉山
倒家何處落日眠芳草

迷神引

一葉扁舟輕帆卷暫泊楚江南岸孤城暮角引胡笳怨